

## **Transport vositalarini o'simliklar karantinidagi zararli organizmlardan zararsizlantirish va tozalash**

1. Transport vositalarini o'simliklar karantinidagi zararli organizmlardan zararsizlantirish va tozalash zarurati o'simliklar karantini davlat inspektorlari tomonidan aniqlanadi.

2. Transport tashkilotlari yoki yuk qabul qilib oluvchilar chegara maskanidagi o'simliklar karantini inspektorining ko'rsatmasi asosida o'simliklar karantini hududiy davlat inspeksiyalarining maxsus fumigatsiya bo'linmalariga zararsizlantirish tadbirlari o'tkazish uchun talabnoma beradi.

3. Chegara maskanlarida transport vositalarining barcha turlarida o'simliklar karantini nazoratidagi mahsulotlarni fumigatsiya hamda degazatsiya qilish ishlari o'simliklar karantini hududiy davlat inspeksiyalarining maxsus fumigatsiya bo'linmalari tomonidan amalga oshiriladi.

4. Transport tashkilotlari va yuk qabul qilib oluvchilar tomonidan transport vositalari hamda yuklarni zararsizlantirish uchun zararsizlantirish talablari va texnika xavfsizligiga javob beradigan maxsus jihozlangan maydonlar va binolar ajratiladi.

5. O'simliklar karantini nazoratidagi mahsulotlar chet mamlakatlardan transport vositalarida zararsizlantirilgan holda jo'natilganda, O'zbekiston Respublikasi chegara maskanlaridagi o'simliklar karantini davlat inspektorlari tomonidan ularning degazatsiya sifati tekshiriladi.

6. Tsitrus o'simliklar mevalarini refrejeratsiya qilish va ularni muzlatgich kameralarda zararsizlantirish yukni qabul qilib oluvchilar tomonidan o'simliklar karantini davlat inspektori nazoratida amalga oshiriladi.

7. Zararlangan o'simliklar karantini nazoratidagi mahsulotlarni fumigatsiya, degazatsiya, refrejeratsiya qilish yoki boshqa usullarda zararsizlantirish (tozalash, qaytarib yuborish yoki boshqa manzilga jo'natish, yo'q qilib tashlash), yuklarni, bagajlarni, pochta jo'natmalarini ochish yoki qadoqlash, ularni zararsizlantirish joylariga olib borish va u erdan qaytarib olib kelish bilan bog'liq xarajatlar yukni qabul qilib oluvchilar hisobidan qoplanadi.